

VOCE 'E NOTTE

Si 'sta voce te scéta 'int"a nuttata, mentre t'astrigne 'o sposo tujo vicino

Re- Sol-6 Re- Sol-6/Sib Re-/La Mi7/Sol# La

Statte scetata, si vuó' stá scetata, ma fa' vedé ca duorme a suonno chino

Sol- La Sib Sol- Re- Mi7 La7

Nun ghí vicino ê llastre pe' fá 'a spia, pecché nun puó' sbagliá 'sta voce è 'a mia

Re La7/Mi La7 La7/#5 Re

E' 'a stessa voce 'e quanno tutt'e duje, scurnuse, nce parlávamo cu 'o "vvuje".

Sol- Mi-/b5 Re-/La Sol- Re-/La La7 Re-

Si 'sta voce te canta dint"o core
chello ca nun te cerco e nun te dico;
tutt"o turmiento 'e nu lontano ammore,
tutto ll'ammore 'e nu turmiento antico.

Si te vène na smania 'e vulé bene,
na smania 'e vase córrere p"e vvéne,
nu fuoco che t'abbrucia comm'a che,
vásate a chillo...che te 'mporta 'e me?

Si 'sta voce, che chiagne 'int"a nuttata,
te sceta 'o sposo, nun avé paura
Vide ch'è senza nomme 'a serenata,
dille ca dorme e che se rassicura.

Dille accusí: "Chi canta 'int'a 'sta via
o sarrá pazzo o more 'e gelusia!
Starrá chiagnenno quacche 'nfamità
Canta isso sulo Ma che canta a fá?!"



MUSICA **n**apoli

sito web di

Giorgio **R**izzo

www.musica-napoli.it